

qinnuteqartoq:	qinnuteqaassutaq / siunertaq & piviusunnigortilersaagarlu:	akuersissut:
Vivi Kleist Nanortalik	Nanortallup Atuarfia, 10A Nanortalik Paasisassarsiorluni angalaneq Qaqortoq-mut, atuartut 19-it 2-nik ingiaqateqarlutik piffissami 08. - 12. november 2021, ilaatigut Uddannelseskaravanen-imut peqataa-sussaallutik. Inuit 21-it piviusunnigortilersaakkami peqataapput.	19.000
Naleraq Eugenius Fabrizio Barzanti Nuuk	Naleraq Eugenius Fabrizio Barzanti Nuuk Uanga Timera tour, del 3. Siunertaq: Uuma projektip siunertarivaa meeqqat peqqinnartumik ammanerulernissaat, misi-gissutsinut atatillugu qalipaait aamma isiginnaartitsineq nukigalugit. Tassanilu sam-misami ajortumik pisoqannginneranni imaluunniit atornerluisoqannginneranni, meeqqat qisuariarnissaminnut sakkussaannik, aammalu atorsinnaasaannik tuneru-suppagut. Taamaasilluta meeqqat sukkanerusumik qisuariinnaaniassammata. Angallannera: Maannakkut angallannissaata pilersaarusioneqarpoq, aammalu atuarfiit sinerissa-miittut attaveqarfigineqarlutik. Ilanngullugu Nuummi klassit ilannginngitsuukkagut ilanngunnissaat piviusunnigortinneqarnissaa aamma pilersaarusioneqarpoq. Uanga Timera angallannissaa pingasunnigorlugu avissimavarput, pingaartinnerullugu atuarfiit klassillu immikkut isiginnaartitsiffigineqartartussaammata. Siulliullugu angalaffissat siunnitagut tassaapput: Maniitsoq, Sisimiut, Asiaat, Ilulis-sat, Qasigianniguit aammalu Qeqertarsuaq. Qasigianniguit og Qeqertarsuaq. Tulliullugu: Qaqortoq, Narsarsuaq, Narsaq, Nanortalik, Igaliku, Alluitsup Paa, Eqalu-gaarsuit aammalu Qassiarsuk. Maannakkullu tikikkusuppagut pingajuattut: Qaanaaq, Upernavik, Tasiilaq aammalu Uummanaq. Inuit 2 + 3 aamma illoqarfinni 5-mani takkuttut peqataassapput.	45.000

qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
Hjørdis Viberg Tasiilaq Søren Würtz Nuuk Anette Molbech Helsingør	Den Rejsende Forfatterskole Helsingør Ungdomskulturhuset Igdloo Tasiilaq Søren Würtz Immikkoortoqarfik Piorsarsimassuseq & Sunngiffik, Kommuneqarfik Sermersooq Nuuk Aningaasanik qinnuteqarpugut imaaliulersaarluta: 1. Nipilersoqatigiit Nanook inuusuttunut nipilersornissamut aamma inuusuttut peqatigalugit nipilersoqatigiinnissaq aamma suliniuteqaqatigiinnissaq, Frederik aamma Christian Elsner nipinillu aqutsisoq suleqatigalugit, piviusuunngortinneqassalluni 18. november 2021. 2. Nanook tamanut Tasiilami tusarnaaritsissaaq 19. november 2021. 3. Ungdomskulturhuset-mi atortorissaarutit anneretugisassaangitsut (mobiltelefon) atorlugit sarsuatitaliorneq aamma Karl Sivertsen (Sumé) pillugu sarsuatitaliaq takuneqassalluni, taannami nipilersoqatigiit aamma Nunatsinni nipilersortartorpasuit isumassarsiorfigisarsimavaat. Frederik aamma Christian Elsner Karl Sivertsen (Sumé) pillugu sarsuatitaliorsimapput, sarsuatitaliaq pilersinneqarsimavoq aningaasarsuit atunngikkaluarlugit aamma atortorissaarutit annertugisassaangitsut atorneqarsimallutik. Sarsuatitaliaq siusinnerusukkut saqqummiunneqarsimanngilaq, taammaamat annertuumik isumassarsiorfiusinnaassalluni - nipilersornerup tungaatigut aamma eqqumiitsuliornerup tungaatigut - qanormi iliortoqarsinnaavaa, 18. november 2021. Nanook Tasiilami nuannarinnittorpasuaqarpoq aamma suliniuteqarsimavut nipilersortartunut nuannaartorineqarluarlutik. Frederik aamma Christian Elsner aalajangeqqapput illoqarfimmi inuusuttunut tunniussaqaarniarlutik. Tamanna pissaaq nipilersorneq qitiutillugu suliniuteqaqatigiitsinikkut aamma sarsuatitalioqaqatigiinnikkut - qulaani taasat takukkit. Suliniuteqaqatigiinneq pissaaq sap. ak. 46-mi Nanook-illu tamanna ullorsiummut ikkutareersimallugu. Sap. ak. 46-ip kinguninngua pippat eqqumiitsuliornikkut suliniuteqaqatigiinneq siqqutillaarlugu pissaaq, Den Rejsende Forfatterskole Igdloo aamma Kommuneqar-	50.000

qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
----------------	---	--------------

fik Sermersooq suleqatigalugit soqtiginartumik eqqumiitsuliornikkut suliniuteqaqatigiinnermik ingerlatsissammata. Atuakkiortoq, Niviaq Korneliusen aamma assilialiorluni eqqumiitsuliortoq, Gudrun Hasle illoqarfik tikeraassavaat, marluullutik inuusuttut oqaatsitigut assilissiornikkullu isummaminnit anitsisinnaanerannut periarfissiissapput.

Tamanna Kommuneqarfik Sermersooq-p tapiiffigereerpa, kisianni covid-19 pissutigalugu kinguartinneqarsimalluni. Maannalu pisussatut piffissalernerqarsimalluni sap. ak. 46-miit 47-mut.

Taamatut periarfissaqalissaagut inuusuttunut inuusuttullu peqatigalugit ataatsimoorussamik eqqumiitsuliornikkut pilersiterarnermut aamma nipilersornernikkut pisussat tunngavilernissaannut, suliniutit tamarmik aamma illoqarfimmi tamanut ersittussanngorlugit tusagassanngorlugillu, Nanook tusarnaartitsisoq tuarsarnaarsinnaassavaat aamma Niviaq atuffassisoq peqataaffigisinnaallugu.

Taamaalilluni Ungdomskulturhuset Igdloo novemberimi pisussatigut soqtiginarlunnarsinnaalerluni.

Niviaq aamma Gudrun kiisalu Frederik aamma Christian namminneq eqqumiitsulianit piorartitsitseriaasitik inuusunnut suleqatigiissutigissavaat, eqqumiitsuliorneq, atuakkerineq, assilialiorluni eqqumiitsuliorneq aamma nipilersorneq.

Illullu atoqqaarnersiornera sivitsorneqassalluni novemberi ilanngullugu, tamatuma kingunerissavaa atusartut / inuusuit illoqarfillu qaffasittumik eqqumiitsuliorluni piorartitsinermik isumassarsiorfiusinnaasunit pilersitsinissaq. Kiisalu illup pitsaasumik sulii oqaluserineqarsinnaalerluni aamma Tasiilami pisartut nuannersut saqqumisinnaalerlutik.

Illumut tunngatillugu: Ungdomskulturhuset Igdloo pilersinneqarpoq inuusit sumiiffigisinnaasaattut, tassanilu assigiinngitsunit sammisaqarsinnaallutik ilaatigut nipilersornermik. Illumi pilersitaaqqammersumi nipilersornermut sungiusarfeqarpoq, nipilersuutillu 2017-mili aningaasaliissutaasimapput suliniummut 'Siunissaq Uaut Pigaarput'-mut atatillugu. projektet 'Fremtiden tilhører os' / 'Siunissaq Uagut Pigaarput'.

Nipilersorluni tusarnaartitsineq piorsarsimaasutsikkut pikialaartitsissutaavoq aamma inooqatigiit imminnut susassaqatigiinnerannut atalluni. Taakku illup pilersinneqarneranut tunaartaasunut naleqqullutik, tunaartaammami: Inuusit inooqatigiit

qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
	<p>akornerminni susassaqaqatigiinnerulernissaat, sumiiffillu inuusunnit najorneqar-sinnaasoq - imigassartorfiunngitsoq aamma torersumik ineriartortuarnissap anner-tusarfeqarfigissinnaasaa, inuusuit akornanni inoorusussuseqarfimmik ataqatigiin-nermillu sorlaqarfiunnarani annertusaaffiusoq.</p> <p>Inuit 3-sut suliniummi peqataapput. Nipilersortut 2-luk aamma nipilersoq 1-seq. Kii-salu sumiiffimmi Tasiilami soqutiginnittut.</p>	
Petra Linda Clasen Ilulissat	<p>Sermermiut Avannaata Kommunia Ilulissat Hinnarik kammanilu julekoncert.</p> <p>Ilulissani decemberi tassaavoq ukiup taarnerpaaffia, issinnerpaaffiup nalaa aamma-lu meeqqat juullimut qilanaarlutik kisitsinerat. Aaqqissuussap siunertarivaa tassani, taarsuarmi issiullu ataani meeqqat illup iluani kulturikkut nunaqqatigiit katersuuffi-anni kialaartumi nuannisarlutik juullerpalaartumik erinarsukkanik tusarnaartinne-qarnissaat erinnanik nuannersunik, meeqqanullu tiguartinnartumik. Ilulissani Hin-narik kammanilu meeqqanit nuannarineqarluartut juullerpaluttumik erinnanik taar-suarmi issersuarmilu meeqqanut qaammaallaatsitsillutillu qitinnermik pilersitsinis-saat aningaasanik qinnuteqarpugut akuerineqarpat piviusunngortissinnaalissuarput. Amerlanerpaamik inuit 500 suliniummi peqataassapput.</p>	50.000
Lisbeth Hansen Aasiaat	<p>Aasiaat Søndshjem Aasiaat Juulli 2021. Siunertaq:</p> <p>Illoqarfitsinni kikkut tamarmik nuannersumik juullisiornissaminnut periarfissaqan-ngillat, aningaasaqarniarnikkut imaluunniit ulluinnarni ataqatigiiffeqarniarnermik-kut, juullimimi qitiusarput pitsaasunit nerisassaqaqarnissaq, orpiliamik kaaviineq, nuannisaqaqatigiinneq aamma inooqataasut qanilaaqatigiinnerat. Taamaammat ma-tugut unnuk taanna ammarniarpavut.</p> <p>Aningaasaqarniarneq:</p>	15.000

qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
----------------	---	--------------

Sømandshjemmet aningaasartuutit tamaasa nammassavai, nerisassanut, imeruaatis-
sanut, nerilluni eqquinermit pisassat, mamakujuit juullerpalaartut, kaagiaqqat aam-
ma unammiaarluni pissarsiassat, quiasaaqatigiinnerit, kiisalu poortugarsiassat.

Aaqqissuinermit peqataaneq akeqanngilaq, tassami juullip unnugiaani nuannaqa-
tigiissinnaaneq inuit akissaqarnerannik tunngaveqartussaangimmat.

Unnugissap ingerlanneqarnissaa:

- juullimut nereqatigiinneq imeruarsaatitalik, kinguleqqiut, kaffi mamartunuit illuler-
lugu
- juullimut oqariartuutip pilluarnartup qallunaatut kalaallisullu saqqummiunna
- orpiliaq kaavillugu erinarsorneq, qallunaatut kalaallisullu juullisiutit atorpeqassal-
lutik
- poortugassat agguaannerat
- inooqatinit susassaqrfeqatigiinneq

Peqataasut:

Ukiuni kingullerni pikialaartitsineq soqutigineqariartorsimavoq.

Peqataasut makkuusimallutik:

- Aasianni kiserliortuq aamma atuisartut pisariaqartitsisartut
- inuit angerlarsimaffimminni juullisiornissamut aningaasaqarniarnikkut periarfissa-
qanngitsut
- ilaqtariit meerartallit meeqqatik pillugit imigassartaqanngitsumik Sømandshjem-
mi juullisiorusuttut
- nerisaqarlutik angerlarsimaffeqarlutillu atuariartornikut juullip nalaani angerlarsi-
maffitsik orninnissaannut periarfissaqanngitsut
- inuit Aasiaani sulinertik pissutigalugu ilaqtaminnit najuisinnaanngitsut, ilaatigut
imarsiorlutik angalasut aamma aalisartut.

Inuit 80-it suliniummi peqataassapput.



qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
Mona Torp Johanne Knudsen Trine Hansen Nuuk	<p>NANU BØRN</p> <p>Nuuk</p> <p>Piviusunngortilersaagaq 2021-mi juullimi ikiuineq.</p> <p>Ukiut tamaasa NANU BØRN ilaqutariit meerartallit Nunatsinni tamarmiittut juullimut ikiorniartarpaat, ukioq mannalu aamma pinngitsoorniarnatik, naak NANU-mi siulersuisut allanngoraluartut. Uanga Mona-mik ateqarpunga, NANU-milu ulluinnarni ingerlatsineq Krissie-miit pikkorilluni ingerlatsisimasumiit tigoqqammerlugu. Juullimut ikiuiniarneq ingerlatsiniarnitsinnut pingaaruteqarluinnarpoq, qinnuteqaammillu uanga suliniut aallarnisaqqillutigit.</p> <p>NANU-p pisussaaffigaa aningaasat amerlanerpaat katersorniarnissaat. Katersukkallu imatut agguarneqarniarput: Ilaqutariinnut ataatsinut 1.000 kr. qaavatigit meeqqamut ataatsimut 500 kr. Aningaasat Brugsenimi, Pisiffik-mi aamma Pilersuisoq-mi nunnarput tamakkerlugu gavekort-inngortinneqartarput. Gavekort-it juullimut pisiniarnermut atorneqarsinnaapput, taamaaliornikkut ilaqutariit eqqissillutik aamma meeqqat nuannaartut juullisiorsinnaassallutik. Gavekort-it soorlu imigassanut alaakoornartunut atorneqarsinnaassanngillat, tamanna pisiniarfinnit isumaqatigiisummeereermat. NANU sineriammi pisiniarfipparsuarnit suleqateqarluarpoq, taakkumi ikiuineratigit piviusunngortilersaagaq ingerlalluartarmat. Kiisalu NANU kommune-nut attaveqarluarpoq aamma peqqinnermik sulialinnut, tamarmik pisariaqartitsisut kikkunerinut aaqqeeqataasimasut.</p> <p>Neriutigaarput imatut katersisinnaatigaluta illoqarfinni tamani ilaqutariit 10-it ikiorsinnaassallutigit, aamma nunaqarfinni tamani ilaqutariit 5-mat, agguaqatigiisillugulu ilaqutariit tamarmik 2-nik qitornaqarnerat. Piviusunngortilersaakkap iluatsinnissaa katersinitta iluatsilluarneranit aallaaveqarpoq. Naatsorsuutigavut katersussagutsigit illoqarfinni tamani ilaqutariit 10-it aamma nunaqarfinni ilaqutariit 5-it ikiorsinnaallutigit.</p> <p>NANU Krissie-miit qanittukkut oqartussaaffigilernikuugakkut sulii aningaaserivimmut attaveqarneq aaqqiiffigineqanngilaq. Naatsorsuutigaara tamanna oktoberip ingerlanerani pisinnaassasoq, aaqqinissarmi allarnisarneqareermat. Taamaammatt maannakkorpiaq NANU nammineq pilliutissaata annertussusaa taasinnaanngikkallarpara. Juullimulli ikiuiniarnitta iluatsinnissaa aningaasat katersukkatta annertus-</p>	35.000

qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
	<p>susaasa tunngavilertussaavaa.</p> <p>Inuit pingasut qanoq iliuseqartussat aamma sumiiffinni inuit amerlasuut suliniummut peqataassapput.</p>	
<p>Ane Jeremiassen Akunnaaq</p>	<p>Aadap Atuarfia Akunnaaq Timimik aalatitsinerulernissaq. Aadap Atuarfiani atuartut ukiukkut atuarnermanni atuarnerrullu avataani ataalutik timininnik aalatsitsinerunissaat pillugu ataarutitik pisaarnissamik aningaasanik qinnuteqarpugut. Kiisalu perrassaatit massakkut akisummata, aamma ilanngullugit qinnutigaagut. Aammalu sisoraarutit ilanngullugit pisaarinissaat siunertaralugu qinnuteqarpugut, aamma timimik atuilluarnartuummata. Taakku anitsiarfimmi atorneqartarnissaat naatsorsuutigalugu. Tassami meeqqat ilaasa angajoqqaavi sisoraatinik akissaqarneq ajormata. Atuartut 10-it suliniummi peqataapput.</p>	15.000
<p>Haldora Grim Jensen Jan Stryhn Pickersgill Upernavik</p>	<p>Upernavimmi Cross Fit-ertartut Upernavik Upernavimmi Cross Fit-ertartut. Timersuut sakkortoq aallartinneikuuput siulersuisoqarlutalu maj-ip aallartinnerani 2021. Massakkumut aningaasaatigut 1.500,00 koruunit missaannaaniikkamik atortussatsinnit bestil-eerusukkalualuarpugut umiarsupp naggataanninnerani. Inuummarinnerulernissaq peqqinnerulernissaq kiisalu pingaartumik kaperlattartumi ataatsimoorfiusinnaasumi pilersitsinikuunerput assut ingerlalluaqqunaraluaqaaq atortussatsinnilli amingaateqalaaginnaratta nammeneq pigisanngugut kiisalu atuarfiup pigisai atorlugit massakkut ingerlasaratta tapiiffineqarnissatsinnik neriullarluta qinnuteqarpugut. 20 - 25-it sulilu amerliartorluta 18-niik qummut ukiullit peqataapput.</p>	10.000



Akuersissutit
29. oktober 2021
nittarneqartut

qinnuteqaatit september 2021
tigosimasat kisiisa aallaavigalugit akuersissutaasut
qinnuteqaatit 100.000,- kr. ataallugit annertussusillit kisiisa



qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
----------------	---	--------------

2021-mi oktoberimi akuersissutit katinnerat qinnuteqaatit septemberimi 2021-mi tigusimasavut aallaavigalugit:	239.000
--	---------

Takusassiaq una 2021-mi ukioq tamaat akuersissutit allattorsimaffiani aamma akuuvoq. Akuersissutit ukiuni aggersunut atasut ukiut aggersut pineqarfiini ilaatinneqarput.
